



Elders - waar melaatses woon.

Ek het **dae** laas geëet.

Jy sal doodgaan as jy nie leer om rotte en kokkerotte te eet nie. Dis al manier om aan die lewe te bly.

Ek sal liever sterf. 'n Jaar gelede was ek 'n man van aansien in die gemeenskap en kyk nou net na my.

Aanvaar dit, niemand respekteer jou nou nie. Jy is net 'n melaatse, 'n uitgeworpene.


Ek het ook eers gehoop dat ek eendag gesond sou word en kon terugkeer na my vrou en kinders. Maar ek is nou al tien jaar hier en nog nooit het iemand gesond geword en teruggekeer na die samelewing nie.

Ag man, staak die selfbejammering. Niemand gee om nie, nie eers **God** nie. Kom ons gaan kyk of ons ietsie te eet kan bedel.


Vroeër het my vrou nog die kinders gebring en hulle het van 'n afstand gestaan en met my gesels, maar naderhand het hulle al minder en minder gekom. Die kinders is amper volwassenes en ek twyfel of hulle my sal herken as hulle my nou sien. **Dit is erger as om dood te wees.**

Vandag gaan ons tot by die hoofpad om te kyk of ons nie 'n bietjie meegevoel kan opwek nie.

Ons kan saam stap, dit sal seker veiliger wees. Ek sien ander melaatses voor in die pad.









Jesus
het gesê ons is
genees.



Ek voel
soveel beter.



Ons is besig om
te verander!



My sere is
gesond.

Jesus het
dit gedoen! Jy
is genees!


Jy is nie
meer lelik
nie!

Ek moet
my vrou gaan
vind!



Geseënd is U, seun van
God, die **koning** van Israel, U het my
lewe teruggegee. God is **genadig**
en barmhartig.

Was daar nie **tien** wat
genees was nie? Tog het net een
kom dankie sê en hy is nie eers 'n Jood
nie. Hy is 'n **Samaritaan**.



'n Man het Jesus gevra of daar baie sal wees wat die ewige lewe sal ingaan en Jesus het geantwoord:

EWIGE LEWE.

Ek sê vir jou, die pad na die ewige lewe is smal en moeilik, en daar is min wat dit sal vind. Maar die pad wat lei na die ewige verderf is breed en gevul met mense wat op pad is na die ewige verdoemenis.

Poog om deur die nou poort in te gaan, want baie sal probeer om die ewige lewe te bekom maar sal misluk. Wanneer die oordeelsdag aanbreek, sal hulle by God pleit en sê, 'Meester, sekerlik het ek aan U behoort? Ek was godsdienstig, het gevas en gebid. Ek het geld geskenk om godsdienste te ondersteun. Ek het selfs in u Naam geprofeteer en duiwels uitgedryf.'

Dan sal Ek aan hulle sê; "Gaan weg voor My aangesig, tot in die ewige vuur, Ek ken julle nie. Daar sal 'n geyene en 'n gekners van tande wees."

Dit is 'n plek waar siele nooit sterf nie en die vuur ook nooit uitbrand nie. Die rook van hulle pyniging sal tot in alle ewigheid opstyg.



Jesus vertel toe nog 'n storie:

Daar was 'n baie ryk man, geklee in die duurste klere en hy het elke dag net die beste kos geëet. Hy was eerlik en regverdig, nie 'n bose man nie, maar hy het altyd net aan homself gedink.

Hy het sy geld opgegaan en elke dag net ryker en ryker geword.



Vat hierdie oorskietkos en gee dit aan die bedelaar wat voor my hek lê. Ek is 'n man vol deernis en barmhartigheid.

Reg so meester, ek is seker hy sal dit waardeer.



My meester het gesê ek moet jou hierdie krummels gee.

Ere aan die Here! God voorsien vir die wat aan Hom behoort. Dit is meer as wat ek verdien. Dank jou meester vir my.

Ek het soveel rykdom, ek sal my skure moet vergroot om al my besittings te berg.



Daardie nag het die Doodsengel besoek afgelê.

Jou dwaas. Jy gaan sterf en vannag nog sal jy rekenskap vir jou siel moet gee.

Hyg! Roggel! Ghuu!

"Dit is bestem vir die mens om eenkeer te sterf en daarna kom die oordeel."

Niemand kan deur re-inkarnasie terugkeer na die lewe nie.



Terwyl die begrafnis van die ryk man plaasvind, ontdek hulle dat Lasarus ook intussen dood is.

Dit is die bedelaar, **Lasarus**. Hy het ook gedurende die nag gesterf. Hy lyk so rustig.

Die liggaam van Lasarus was op 'n sleepwa gesit en na 'n plek geneem waar die karkasse van diere verbrand word. Daar was geen begrafnis en niemand het oor Lasarus getreur nie.



Maar Engele het Lasarus kom haal en het hom na die paradys geneem.

Lasarus, ons broer, welkom tuis. Jy sal nooit weer honger ken nie en jou liggaam sal nooit weer pyn nie. Kom, ons het 'n tafel vir jou gedek.

My wêreld! Wat 'n rit! Ek het nooit kon dink dit is soveel pret om dood te wees nie.

Die ryk man het net die beste begrafnis gehad en die mooiste graf. Almal wat lief vir sy geld was, het gekom om te kyk wat hy aan hulle nagelaat het.

Hy was 'n goeie man.

Hy het wel soms hard teenoor sy geliefdes voorgekom, maar ons sal altyd onthou dat hy lief vir sy volk was en dat hy eerlik in sy bedrywighede was.

Hy sal nou sy loon ontvang. Mag sy siel in ewige vrede rus.

Maar toe die ryk man sterf, het hy homself in die bodemlose put bevind.





Help my! O,
Here, iemand help my!
Ek is hier tussen die
vlamme!



Vader **Abraham**, wees my
genadig. Ek sien Lasarus daar oorkant.
Laat hom sy vinger in die water druk en
stuur hom om my tong af te koel, want
ek ly smarte in hierdie vlamme.

Seun, ek sou jou help as ek kon,
maar daar is 'n groot gaping tussen ons,
en onder die gaping die poel van vuur. Ons
kan nie oorgaan om jou te help nie en nog
minder kan jy na ons toe oorkom.

Stuur dan vir Lasarus na
my vader se huis sodat hy my
vyf broers kan waarsku. Ek wil nie
dat hulle ook in hierdie verskriklike
plek van marteling beland nie.

Hulle het die
skrifte van **Moses** en die
profete. Laat hulle die
Woord glo.

Maar dit sal hulle
nie oortuig nie. As hulle die
wonderwerk van 'n opstanding
sien sal hulle moontlik hulle
lewe verander en tot
bekering kom.

As hulle nie die skrifte glo
nie, sal hulle ook nie glo al sien hulle
iemand wat uit dit dood opgestaan het nie.
Dit is vir jou te laat en hulle moet hul eie
besluite neem. Ek is jammer. Daar
is niks wat ek kan doen nie.



Haai, uens, hoe lyk dit met 'n bietjie pret? My liefde is goedkoop.

Meester, moet jou nie aan haar steur nie, dit is te laat vir iemand soos sy.



Die Heilige skrifte sê, "Jy mag nie egbrek nie."

Hoor hier, ek is 'n gelowige vrou. Ek glo in God.

Satan het jou mislei. Daar is net een einde vir jou en dit is die vuurpoel.



Hoor wat jou vriend sê. Dit is te laat vir my want ek leef al hierdie lewe van jongs af.

Dit is nooit vir God te laat nie. As jy na Hom toe kom met berou oor sondes, sal Hy jou vergewe en jou siel herstel.



Eeeeeaaaiiii!



My siel behoort aan Satan, maar ek sal dit aan God gee as Hy net...net...ne...

Sy is vol duiwels!

Staan terug!





Meester, ek het alles sien gebeur en dit was wonderlik. Ons godsdiensteilers het Maria Magdalena in die daglik vermy, maar sommige het haar in die nag besoek. U het haar 'n nuwe lewe gegee.

Sal U en die dissipels na my huis kom en by my kom eet? Ek wil graag dat my vriende ook hiervan moet hoor.

Ons sal volg.



Sê vir ons, Jesus, hoe kan 'n mens opreg en rein leef in hierdie sondige gemeenskap? As ons nie so 'n bietjie kul nie sal ons van honger omkom.

Moenie vir die verganklike arbei nie, maar vir dit wat tot in ewigheid duur. Moenie net aan jou eie rykdom dink nie, maar eerder hoe jy 'n seën vir ander kan wees.

Die lewe is meer as net kos en klere. As God dan die lilies van die veld klee sal Hy julle nie ook klee nie?

Die tyd gaan kom wanneer elke mens voor die regterstoel van God gaan verskyn en rekenskap sal gee van elke daad wat hy gepleeg het, of dit nou goed of sleg was.



Moet nie maak soos julle skrifgeleerdes nie, want hulle preek een ding en lewe iets anders. Hulle is soos kruike wat skoon aan die buitekant maar binnekant vuil is.

As julle geregtigheid nie meer as hulle sin is nie, sal julle nooit die koninkryk ingaan nie.




So, U ontvang sondaars en sit saam aan tafel met hulle. Ek sien hierdie Maria Magdalena is hier saam met die sondaars. Hoe kan U voorgee dat U so heilig is en dan saam met sulke mense eet?

Ek gaan aan jou 'n storie vertel en ek hoop dit sal die *hart* van God verduidelik.



'n Sekere man het twee seuns gehad. Die jonger seun was rebels en sy neiging was na die vleeslike en hy het sy losbandige begeertes nagejaag.

Sjoe, ja, ek hou van die storie.



Hy het daarop aangedring om sy erfporsie dadelik te kry.

Vader, as jy my erfdeel van die plaas nou aan my gee, kan ek in die stad my fortuin gaan soek.

Maar my seun, alles wat ek het, is mos ook **joune**. Ek gaan nie meer lank leef nie en dan sal jy en jou broer tog als erf. Julle sal gemaklik leef vir die res van jul lewens. Ons het baie skape en beeste. Ons lande is elke jaar vol graan. Ons het baie bediendes en nog baie meer...

Maar ek wil wegkom om die wêreld te sien. Ek wil nie vir ewig op 'n plaas bly en vir die res van my lewe soos 'n slaaf werk nie. Tervyl ek nog jonk is wil ek genot hê. My vriende....

Jou vriende is lui nikswerds. Al waaraan hulle dink is vinnige perde, wyn en los vroue.

Gee dit vir hom, vader. Ons sal beter af wees sonder hom. Hy doen in elk geval nooit sy deel nie.

Ag, vader, wat weet jy van die **lewe** af? Jy was jou lewe lank vasgekluster op die ou plaas. Ek wil nou my erfporsie hê. Ek gaan stad toe om my eie lewe te lei.



Die vader gee toe aan die jonger seun sy erfdeel. Sy plesier het hy gaan soek in 'n ver land se groot stede.

Reg so, dis mos nou die lewe - niemand om vir my te sê wat ek mag doen nie.







Kan ons tweekies nie bietjie na jou woonstel toe gaan nie?



En so, ver van sy mense en huis, het die jong man spandabelrig gelewe. Solank as wat hy geld gehad het, het hy baie vriende gehad.

Toe breek die dag aan dat sy roekelose najaag van plesier al sy geld verkwis het – maar hy het nog baie ryk vriende gehad.



Wat bedoel jy, jou geld is op? Ek dag jy is ryk?

Ja wel, dit kos baie om hier te woon, en met my laaste geldjies het ek gedobbel maar dit toe op die perde verloor. Ek het werklik gedink my perd sal wen, en ek het gehoop ek ...



Wil jy vir my sê jy is platsak? Hoe gaan jy die rok koop wat jy aan my belowe het?

Ek het gehoop dat jou pa my in diens sal neem om 'n paar van sy beleggings te bestuur.

Om te werk?



Ek kan nie glo dat ek besig is om varke te voer nie – hierdie vuil, onreine diere.

Ek het gedink ek het vriende. Hulle wil nou nie eers met my praat nie. Maar ek gaan 'n beter werk kry en gou gou sal ek sommer weer bo uitkom.

Oink,

Slurpp...

Snorkk.....



Ek gee nie om hoe siek jy voel nie. Gaan uit en pas die varke op of ek dank jou af en kry iemand anders. **Nou, weg is jy en opskud!**

Seker meneer, ek is jammer. Ek sal dadelik gaan, meneer.



Ek verdien nie eers genoeg om behoorlik te eet nie. Ek is seker my vriende eet heerlik.



Kyk wat het van my geword. Ek kry koud en is honger en moeg. Ek wil selfs die varke se kos eet. My vader se werkers het 'n oorvloed kos, meer as wat hulle nodig het. As ek maar net kon...maar nee, ek kan nie teruggaan nie, nie na die wyse waarop ek daar weg is nie. Hulle sal my verag.



Ek was so 'n dwaas. Ek wonder as ek terugkeer en vra om 'n werk? Ek het wel my erfposse verkwaansel, maar ek kan dalk daar werk as hulle my sal toelaat.



Ek gaan terug huis toe.

Jou gek! Jy het geen geld nie. Jy sal duisende myle moet loop.



Na weke en weke se reis was hy amper tuis.

Ek is amper tuis. Ek het geen reg om hierheen te kom en gunsies te vra nie. Ek sal net sê, "Vader ek het gesondig en ek is nie meer waardig om jou seun genoem te word nie. Maak my asseblief soos een van jou huurlinge."





Slag die beste kalf, maak gereed vir 'n fees en nooi gaste. Ons het rede om met groot blydschap vandag fees te vier.



Ek is verheug dat julle saam met my kan deel in die blydschap van hierdie wonderlike geleentheid. My seun is nog swak weens sy beproewinge, maar met goeie versorging en gesonde kos sal hy gou weer aansterk. **Hierdie is die beste dag van my lewe.**



Die ouer broer was vir 'n paar dae weg en met sy terugkeer, ontdek hy dat daar 'n feesmaal gevier word.

Waaroor gaan al die musiek en dansery wat ek hoor?

Jou kleinboet het in 'n haglike toestand terugkeer. Hy is siek en arm. Jou vader vier met groot vreugde sy terugkoms. Gou, gaan binne en sluit aan by die fees.

Ek weier om deel van hierdie belaglikheid te wees. Hy het in sonde en skande gelewe.

Die dienskneg het aan die vader gaan vertel wat sy oudste seun gesê het en die vader het toe self met sy seun gaan praat.




Ek soek al so lank na hom en ek het gedink hy is vir ewig verlore. Ek het 'n punt bereik waar ek al hoop wou opgee en hier kom hy vandag aangestap. Kan jy in so 'n **bestiering** glo? **God is goed!**

Vader, ek kan nie glo dat jy saam met so 'n sondaar fees vier nie. Ek weier om aan so iets deel te neem.



Dit is 'n mooi storie, maar skimp U dalk dat ons soos die ouer broer is?

Hy wat ore het om te hoor, laat hom hoor.





Jesús
en sy dissipels
wag buite by
die hek.

Sê aan hulle om liever
daar vir my te wag. Dit is gevaarlik
vir hulle om in te kom met al die
Fariseërs en priesters teenwoordig.
Hulle soek na Hom om Hom
dood te maak.

Neeeeee!

Arme
Lasarus!



Here, as U tog net
hier was, sou my broer nie
gesterf het nie. Maar selfs nou
kan U enigiets van God vra en
Hy sal dit vir U doen.

Jou broer sal
weer uit die dood
uit opstaan.

Ja, ek weet dat
hy weer sal opstaan
by die opstanding wat
sal plaasvind aan die
einde van die tyd.



Ek is die
opstanding en die
lewe.

Hy wat in my
glo, al is hy dood,
sal weer lewe. Ook
die lewendes wat in
my glo sal nooit sterf
nie. Glo jy dit?



Ja, Here.
Ek glo dat U die
Messias is, die
Seun van God, van
wie daar geprofeteer
was dat Hy in die
wêreld sal kom.



Nadat Martha met Jesús
gepraat het, het sy die
bediende gestuur om
Maria te roep.

Kom. Sy
gaan na die
graf om daar
te treur.

Ohhhhh.....



Here, as U hier was, sou my broer nie gesterf het nie.

Waar het julle hom neergelê?



Ons verlang so na hom.



Kyk hoe lief was Jesus vir Lasarus.

Kon hy wat die **blindes** weer laat sien het, nie verhoed dat sy vriend sterf nie?




Rol weg die klip.

Maar Here, teen die tyd ruik hy al sleg want hy is al **vier** dae dood.

Het ek nie aan jou gesê dat as jy in my glo jy die almag van God sal sien nie? Rol weg die klip.

Vader, ek dank U dat U my altyd verhoor. Hierdie gebed doen ek nie vir my eie onthalwe nie maar ek bid sodat almal wat hier is sal glo dat U my gestuur het. Vader, word verheerlik.



**Lasarus,
kom uit!**

Die keer
het hy te ver
gegaan.

Ja, hy is besig om
'n gek van homself
te maak.



Die liggaam
is al besig om
te ontbind.

Wanneer die
mense sien hoe 'n bedrieër
hy is, sal dit vir ons makliker
wees om hom te arresteer
en te dood.



Wat nou?
Ek glo dit
nie!

**Dit kan
nie wees
nie!**



**Ere aan
God!**

Whoeeee!



Hy het dit
gedoen, Maria!
Hy het dit
gedoen!

Hy lewe!
Na vier dae,
lewe hy!



Nadat Lasarus vier dae dood was, het hy uit die graf gekom, van kop tot tone steeds in sy graf kleed gebind.

Maak hom los en laat hom gaan!

Wie behalwe die **Almagtige God**, kan so iets doen?



Waaroor is die **bohaai**? Help my uit hierdie graf kleed uit.

Jy was **vier dae dood**.

Meester, dit is goed om U te sien. Ek neem aan dat U my teruggebring het?



Oo, Lasarus, ons het so na jou verlang.

Ek is **honger**. Stuur die rouklaers huis toe sodat ons kan **eet**.

Geseënd is U, O, **Here** onse **God**.



Kan julle glo wat ons nou net gesien het? Daar is geen manier dat Hy ons kon flous nie. Voordat hulle Lasarus begrawe het, het ek hom self gesien en hy was so dood soos laas jaar se Paaslam.

Ons sal dadelik die Wetsgeleerders en Fariseërs moet gaan inlig.

As Jerusalem hiervan hoor, sal hulle Hom wil koning maak. Iets moet gedoen word en gou.



Daardie Jesus het vandag 'n groot kunsie bewerk. Al die mense wat dit gesien het is oortuig dat hy 'n man uit die dood opgewek het.

Dit maak nie saak hoe hy dit gedoen het nie, indien hy nie gestop word nie, sal hy die harte van die mense steel.

As die volk weer in opstand kom, mag die Romeine ons heerskappy wegneem. Hulle verwag dat ons die vrede sal bewaar.



Maar Jesus het nog nooit aggressief opgetree teen Rome gepraat nie.


Sy woorde is vol **aggressie!** In die openbaar noem Hy ons skynheilig. Nou lag die mense ons uit en spot openlik met ons.



Ons moet Hom wegmaak. Hy sal homself nie uit die dood kan opwek nie.

Dit moet spoedig gebeur, voordat hy alle respek vir ons en ons geloof verwoes.

Ja, voordat die Romeine aksie teen ons neem.



Hulle het my verwerp en wil my doodmaak. Hulle verstaan nie dat Ek as hulle Verlosser gekom het nie. Ek sê julle dat, nadat Ek weg is, Rome, die tempel wat hulle so lief het, sal verwoes. Nie een steen sal staande bly nie.

Die tyd sal aanbreek wanneer die wat my aanhang in die gevangenis sal beland. Julle sal deur al die volke gehaat word, net omdat julle my lief het. Sommige van hulle sal julle doodmaak. Ander sal weer uit hulle huise gedryf word en nie toegelaat word om te werk nie.

Moenie verbaas wees wanneer julle hierdie dinge sien gebeur nie, want daar sal baie oorloë, aardbevings, siektes, hongersnood, en katastrofes van alle soorte wees, maar die einde sal nie met die dinge kom nie.

Hierdie is maar die begin van die tyd van beproewings. Jerusalem sal deur heidene beset word, totdat die tyd van die heidene uitgespeel is. As iemand aan julle sê dat ek terugkeer het en dat julle hiernatoe of daarnatoe moet gaan om my te ontmoet, moet hulle nie glo nie. Daar sal vele wees wat sal voorgee dat hulle ek is, of voorgee dat hulle namens my praat.

Maar wanneer ek terugkeer, sal dit soos weerlig wees. Elke oog sal my sien. Die dooies sal opgewek word en ek sal my koninkryk op aarde vestig. Maar voor hierdie tydperk aanbreek sal daar groot verdrukking wees, erger as wat die wêreld al ooit gesien het.











Ek waarsku julle, nadat ek weg is, sal hulle julle ook gevangene neem, julle sal gemartel en sommige sal doodgemaak word. Julle sal getuig van my liefde en almag. Wanneer hulle julle voor 'n hof bring, sal ek die woorde in julle monde plaas. Kinders sal teen hulle ouers getuig, en ouers teen hulle kinders. Julle sal gehaat word omdat julle my ken. Baie valse profete sal verskyn en aanspraak maak dat hulle my verteenwoordig. Die Heilige Gees sal met julle wees.

Meester, wat is die teken van U terugkeer na die aarde en van die einde van die tyd?

Wanneer iemand sê dat ek op 'n sekere tyd gaan terugkom of dat ek in 'n sekere plek is, moet hulle nie glo nie, want ek sal terugkeer maar dit sal soos weerlig, skielik en onverwags wees. Wees getrou aan my tot die einde en julle sal die oordele wat oor die sondaars kom, vryspring. Wees op die uitkyk want julle sal nie die dag of die uur weet wanneer ek sal terugkeer nie.

Soos dit was in die dae van Noag, so sal dit wees voor ek terugkeer. Die mens was besig met sy eie plesier en het niks vermoed totdat die vloed hulle oorval het nie. Ek sal skielik kom, soos 'n dief in die nag.

Twee manne sal besig wees om in 'n veld te werk. Die een sal opgeneem word om my te ontmoet en die ander sal agtergelaat word om te ly.

Twee vroue sal saam graan maal. Een sal geneem word en die ander agtergelaat word. Wees waaksam en wees gereed want ek sal kom op 'n dag dat julle dit nie verwag nie.

Meester, ek moet 'n man in die stad gaan sien. Ek sal later terug wees.

Gaan maar, Judas, en doen wat jy moet.

As die prys reg is, kan ek Jesus aan julle uitlewer.

Maar is jy nie Judas nie? Een van sy dissipels nie?

Die uur het aangebreek dat Ek verheerlik gaan word. Tensy 'n koringkorrel nie in die grond val en doodgaan nie, bly dit alleen. Maar as dit doodgaan en weer ontkiem sal dit vermeerder tot 'n menigte koringkorrels.

Ja, ek is al drie jaar saam met Hom, maar ek is nou moeg daarvoor. Hy praat deesdae lawwigheid en ek het die geld nodig.

Nou is My siel beangs, wat mag Ek vra? Vader verlos my in hierdie uur? Nee, want dit is juis om die spesifieke rede dat Ek na die wêreld gekom het.



Vader, mag U naam verheerlik word!

Ek het reeds my Naam verheerlik en sal dit weer doen.

Die Here God het met hom gepraat!

Dit het soos donderweer geklink!

'n Engel het met hom gepraat



Die stem was nie om My onthalwe nie, maar vir julle bedoel. Nou het die tyd aangebreek dat die prins van hierdie wêreld, dit is Satan, oorwin sal word. Wanneer Ek aan die kruis opgelig word om daar te sterf, sal Ek alle mense na my laat nader.

Ons weet dat die profete gesê het, die Messias sal vir ewig lewe, maar U sê U sal sterf; wie is dan die Messias?

As enigiemand My en My woorde verwerp, verwerp hy God. Ek is die lig van die wêreld. As julle in My glo, sal julle nie in duisternis wandel nie maar julle sal die ewige lewe verkry.

Julle sal die Lig van die wêreld slegs nog 'n klein rukkie langer met julle hê. Glo in die Lig terwyl dit nog by julle is, sodat julle seuns van God kan word.

Klink vir my na malligheid.

